



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 28/02 2020

Geagte Ouers/Voogde

1. **VCSV Gr. 5- en 6-kamp:**

Die komende naweek gaan mnr. Schlechter en 18 gr. 5- en 6-leerders 'n opwindende kamp bywoon op Jeffreysbaai saam met die res van ons streek se gr. 5- en 6-leerders. Dit belooft om 'n geestelike vernuwende ervaring vir ons kinders te wees en ons vra ouers se voorbeelding daarvoor.

Die bussies vertrek om 13:00 vanaf die skool en sal Sondag ongeveer om 13:00 weer terug wees. Baie dankie aan die ouers wat help met die vervoer.

2. **UK-opleiding:**

Josephine Rodgers van Fedsas en 'n kenner van leierskap in skole en wetgewing oor VRL-aangeleenthede, het 'n baie sinvolle opleidingseminaar by Paul Sauer aangebied. Ons hoofleiers en uitvoerende komitee van die VRL het die seminaar bygewoon. Ons hoërskool- en laerskool-VRL speel 'n belangrike rol in dissipline, skoolaktiwiteite en gesonde skoolgees. Vanjaar se UK en die matriekklas het 'n baie positiewe gees en probeer die etos van ons skool uitleef.

3. **Makietie: 8 April 2020:**

Enige kind van gr. 1-12, wat lus het om aan die makietie deel te neem, is welkom. Enige toertjies, voordrag, kort konsertjie, sang, dans, voorlesing ... is welkom. Ouers en kinders kan saam optree. Vul die afskeurstrokie aan die einde van die nuusbrieff in en stuur dit asseblief so gou as moontlik terug na juf. Marietjie Strydom.

4. **ATKV-Spelathon 2020:**

Alle leerders van gr. 6-12 wat belangstel om hul spelling te verbeter, kan by juf. Marietjie Strydom kom inskryf. Inskrywingsgeld: R100 per persoon. Sluitingsdatum vir inskrywings: 9 Maart 2020. Verdere inligting kan by atkv@atkv.org.za gevind word.

5. **Wêreldkennisolimpiade gr. 6-12:**

Enige leerder wat wil deelneem, moet by juf. Marietjie Strydom kom inskryf.

Inskrywingsgeld: R25 per persoon

Sluitingsdatum: 17 Maart 2020

Verdere inligting: info@worldknowledgeolympiad.co.za

6. **CAMI-klasse:**

CAMI-klasse (Wiskunde, Afrikaans en Engels vir gr. 4- tot 7-leerders).

Dinsdae: 14:15 tot 15:00

Donderdae: 14:15 tot 15:00

Reël met juf. Riana, om vordering in die vakke te maak. Hierdie klasse moet vir 'n kwartaal lank gereeld bygewoon word.

7. **Ekstra Wiskundeklas:**

Ekstra Wiskundeklasse sal op Woensdag, 4 Maart, direk na skool tot 15:00 plaasvind.

Graad 6 & 7	Mnr. Terblanche
Graad 8 & 9	Me. Hatton-Jones
Graad 10 tot 12	Mnr. Schlechter

8. **Ekstra Visuele Kunsteklas:**

Daar word Woensdae ekstra kunsklasse in juf. Kritzinger se klas vanaf 14:15 tot 15:15 aangebied. Hierdie klasse is slegs vir graad 10-12-Visuele Kunste-leerders.

9. **Skaak:**

Leerders wat belangstel in skaak, kan op Maandag- en Woensdagmiddae, van 14.20 tot 15:00, in mev. Bohnen se klas vir skaakoefening aanmeld.

Daar sal ook op Dinsdag en Donderdag, gedurende die laerskool se sportperiodes, voorsiening gemaak word vir skaakoefening vir leerders wat nie betrokke is by rugby- en netbal oefening nie. Kontak mev. Bohnen skriftelik indien u kind hierdie keuse uitoefen.

Sportoefening is baie belangrik vir die ontwikkeling van elke leerder, daarom geniet sport voorkeur wanneer 'n keuse tussen sport en skaak gemaak word.

10. **Radikale Redenaars:**

Leerders wat aan die Radikale Redenaars wil deelneem kan hul inskrywingsgelde by mev. Bohnen inbetaal. Inskrywings beloop R110.00 per item per inskrywing vir redenaars en R75.00 per item per inskrywing vir lees. Inskrywings sluit op 3 April. Die eerste uitdunronde vind op 7 Mei te Kareedouw plaas. Kyk op radikaleredenaar.com vir verdere inligting.

11. **Kia-fondsinsamelingsprojek:**

WEN 'N KIA-PICANTO (2020)

VIR SLEGS R100!

Alle jongstes en enigstes het op Dinsdag, 25 Februarie, een boekie met 5 kaartjies in ontvang.

Die boekie met die 5 ingevulde teenblaaie word met die R500-kontant by die registeronderwysers inbetaal. **Die laaste datum van inbetaling is op 15 Mei 2020.**

Neem Kennis:

- U as ouer is verantwoordelik vir die boekie en indien u dit verloor, sal u aanspreeklik gehou word vir die inbetaling van R500.
- Die teenblaaie moet asb volledig deur die koper of verkoper ingevul word.
- Leerders wat 'n tweede boekie wil verkoop, kan daarvoor vra na die eerste inbetaling.
- Ons moedig u aan om soveel as moontlik te verkoop, want alle fondse gaan aan Hoërskool McLachlan.
- Die wenner van die Kia – Picanto (2020) word in Augustus aangewys.

12. Karoo 2 Coast – fietswedren: 20 September 2020:

Ons soek bestuurders om deelnemers se voertuie van Uniondale na Knysna te neem. Die skool verdien R800 per voertuig. Indien u beskikbaar is, kontak Daleen Strydom by 042 2731335 of stuur 'n e-pos na info@hsmclachlan.co.za.

13. Grannor Passi-projek:

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons die voortbestaan kan verseker.

14. Sportnuus:

- Atletiek:

Baie geluk aan die laerskoolatlete wat uitstekende prestasies tydens die Sarah Baartman-atletiekbyeenkoms behaal het. Hulle was op Vrydag, 21 Februarie, in aksie.

<u>Eerste plekke:</u>	0/13	Laura-Lee Pieterse	(lid: aflos 0/13)
	0/12	Semei Fisanie	SG
	0/12	Wernig Oberholster	DG
	0/11	Naudé Meyer	70mH en HS
	0/10	Kelvi-Nay Corneelse	(lid: aflos 0/10)

<u>Tweede plekke:</u>	0/13	Raymondo October	DG
	0/13	Gerbri Ferreira	DG
	0/11	Carisma van Rooyen	70mH
	0/10	Marnelle Oberholster	GS
	0/10	Kelvi-Nay Corneelse	100m
	0/10	Lilitha Ferreira	70mH

<u>Derde plekke:</u>	0/13	Ria-Mi Ferreira	GS
	0/13	Gerbri Ferreira	SG
	0/13	Shaylon Jafta	DG
	0/12	Frané Manuel	DG
	0/10	Kelvi-Nay Corneelse	80m

Ons is baie trots op die volgende atlete wat gekwalifiseer het om aan die Oos-Kaap-atletiekproewe op 13 en 14 Maart te Croadock te gaan deelneem.

0/10	Kelvi-Nay Corneelse	80m en 100m
0/10	Lilitha Ferreira	70mH
0/10	Marnelle Oberholster	GS
0/11	Naude Meyer	70mH en HS
0/11	Carisma van Rooyen	70mH
0/13	Ria-Mi Ferreira	GS

- Krieket:
0/11 verloor teen Laerskool Jeffreysbaai met 88 lopies. Die spelers het die dag baie geniet en baie mooi gespeel. Krieket is nou klaar vir die 1ste kwartaal.
- Rugby en Netbal:
Rugby- en netbaloefeninge is alreeds aan die gang en die 1ste sportdag vir die hoërskool is op 7 Maart by Hoërskool Wittedrift se Loeriesportdag. Meer inligting volg later.
- Tennis:
Die ligawedstryde vir die kwartaal is afgehandel. Opvolg wedstryde sal later gespeel word.

S. Pienaar

S. PIENAAR

Waarnemende Skoolhoof: Hoërskool McLachlan

Posbus 3, Joubertina, 6410

Oos-Kaap, Suid Afrika

Tel: +27 (0) 42 273 1335

Fax: +27 (0) 42 273 1210



AFSKEURSTROKIE:

MAKIETIE: 8 APRIL 2020:

Naam en van: _____

Graad: _____

Item(s): _____

TOESTEMMING VAN OUER: _____



McLachlan Internet Fasiliteit